

D. D.
DISSERTATIO GRADUALIS,
DE

VARIATIONE DIRECTIONIS GRAVIAUM,

QUAM

Ex Suffrag. Ampliss. FAC. Philos. in Reg. Acad. Aboënsi.

PRÆSIDE

MAG. ANDREA
PLANMAN,

Phyſ. PROFESSORE Reg. & Ord. Reg. Acad. Scient.
Stockh. MEMBRO,

Publicæ censuræ submittit

SIMON RINGBOHM,

ABOA - FENNO.

In AUDITORIO MAJORI Die XX Maii
An. MDCCCLXXII.

T. A. M. S.

A B O A E

Impressit JOHANNES CHRISTOPH. FRENCKELL.

SÆ RÆ M:TIS
MAGNÆ FIDEI VIRO,
AMPLISSIMO ATQUE CONSULTISSIMO
D:NO JOACHIMO
VON GLAN,
Consiliario Supremi Dicasterii Regii in Magno
Ducatu Finlandæ;
Nec non
VIRO
MAXIME REVERENDO ATQUE CELEBERRIMO
D:NO MAG. HENRICO
HYLLEN,
Bibliothecario antehac Acad. Aboënsis Reg. & Ord. jam
vero Ecclesiarum, quæ DEO in Hollola, Asickala, Na-
stola, Kärckölä & Heinola colliguntur,
Pastori vigilantissimo,

*In tessera mentis, summo pietatis affectu, innumera
sibi præstata beneficia prosecuturæ, Specimen hocce A-
cademicum dat, dicat, dedicat*

A. & R.



§. I.

Dari titubationem quandam Telluris modo Bo-
ream, modo Austrum versus, statuere ausus
est GASSENDI, idque ex occasione observa-
tionum, ab ALEXANDRO CALIGNON de PEI-
RINS, cum pendulo triginta pedum, institutarum,
quæ motum quendam reciprocum, per statas horas,
Boream Austrumque versus, pendulum subiisse innue-
bant, (*Acta Paris.* 1742). Hæc magni momenti
res tam in Physica quam in Astronomia, quæ ul-
teriori & quidem accuratissimo examini subjicienda
fuerint, frivolis deinceps disceptationibus agitabatur.
Nam MERSENNUS atque quidam JOH. CARAMU-
EL certitudinem harum observationum impugna-
runt, varias ducendo consequentias atque provo-
cando ad suas observationes, quarum tamen ratio-
nem nullatenus aperuerunt. Huic eidem liti se quo-
que immiscerunt JOHANNES BAPTISTA MORIN,
Mathem. Professor Parisiensis, experimentisque in-
stitutis,

Ritutis, se eandem variationem directionis gravium, atque CALIGNON, animadvertisse contendit; ex qua tamen re non nisi nova sibi paravit arma, motum Telluris, contra GASSENDUM, in Schediasmate, cui titulus: *Ale Telluris fractæ, impugnandi*. Atque sic quæstio, de variatione directionis gravium exorta, ipso etjam GASSENDO illam jam in dubium revocante, indecisa mansit.

§. II.

Cum autem maxime e re erat, ulteriori examini subjicere hanc quæstionem; Celeberr. MAIRAN, exposita rei præstantia atque utilitate in *Actis Parif.* anni 1742, Philosophos ad hoc negotium suscipiendum incitavit. D:rus LE CAT Secretarius Reg. Acad. Scient. Rothomagensis inter primos in hanc rem experimenta instituit; quæ ut exactius peragerentur, in templo hujus urbis Cathedrali tubum centrum viginti septem pedum erigi curavit, eidemque pendulum sericum ejusdem longitudinis, cera superinductum, inclusit, ut aëris actioni & humiditati sic foret præcautum. Hoc pendulum per integrum annum & quidem diversis per diem horis observavit; regularem vero in pendulo variationem non deprehendit. D:rus Liber Baro de GRANTE e contrario, observationibus anno 1743 Pariisiis institutis, animadverterat, pendulum, quod triginta pedum erat, intervallo viginti quatvor horarum curvam Ellipticæ figuræ describere, cuius axis major,

ad

ad planum meridiani normalis, erat $2\frac{1}{2}$ lin. minor autem unius linea^e, ejusdemque a centro Ellipsois declinationem Solem semper comitari. Dibus vero aliis pendulis, quae ejusdem erant longitudinis sed a diversis pendebant punctis, easdem iteraturus observationes, motus observavit prorsus contrarios. Quapropter ex variatione quadam ipsis aedificiis hos motus pendere existimavit, atque observationes easdem in spelunca quadam, sub rupe conformata, repetendas decrevit. Postquam ibi mense Novembri puncta, quae pendulum undecim pedum indigitabat; quotidie statis horis denotasset, animadvertisit pendulum quovis meridie austrum versus, at media qualibet nocte boream versus declinare, adeo ut harum declinationum puncta, in meridiano notata, quarta parte linea^e a se invicem semper distarent; hora autem sexta matutina quarta parte unius linea^e versus orientem pendulum continuo declinare observavit, cum eadem hora vespertina tantundem ad occidentem declinaret. Pendulum itaque, si exiguae quaedam aberrationes negligantur, Ellipsin quotidie descripsisse deprehendit, cuius axis major, ab oriente versus occidentem directus, dimidiæ erat linea^e, axis autem minor non nisi quartam ejus partem constituebat. Observationes, quas mense Decembri eodem loco repetierat, easdem penduli declinationes confirmatas reddiderunt; quapropter Perillustris de GRANTE, has declinationes reales esse existimavit, atque singulas suas observationes, ceu Astronomorum ulteriori lima dignas, cum Cel. DE L' ISLE

communicavit; simul vero suspicatus est, an caloris diurni atque frigoris nocturni vicissitudines, conjunctæ cum nivium, quibus terra tum obducta erat, fusione & congelatione alternis vicibus facta, rupi quandam inferrent variationem. (Vide *Mémoires de Trévoux*, Octob. 1754 pag. 508 &c.)

§. III.

Cum autem experimenta, §. præced. allata, eius erant indolis, ut quæstionem agitatam non deciderent, quin potius eam novis dubiis, exactitudinem observationum Astronomicarum infringentibus, involverent; Celeberr. BOUGUER rem accuratori examini subjicere decrevit. Primum itaque usus est Quadrante Astronomico, (Vide *acta Paris.* pro an. 1754) cuius radius erat duorum pedum cum semisse, in ipso solo ita collocato, ut planum limbi in primo verticali exacte constitueretur, quo sic ipsi datur in limbo, ope penduli, observare maximam illam declinationem, quæ ex observationibus GRANTEANIS versus plagas hujus verticalis dirigebatur. Tubus Quadrantis erat quoque directus ad objectum adeo diffitum, ut minima variatio in isto facta optime cerneretur. Et ne aëris vicissitudines in æde, ubi Quadrans locatus erat, evaderent notabiles; fenestræ ipsius sub toto observationis tempore clausæ tenebantur. Hisce sic dispositis atque observationibus per integrum mensem continuatis, neque ullam instrumenti variationem, neque penduli declinationem ali-

aliquam, quæ, juxta observationes GRANTEANAS,
 a hora sexta matutina ad horam sextam vespertinam I' 5'' efficere debuisset, animadvertere potuit.
 Ut autem majorem adhuc rei certitudinem conciliaret, longe exactius adgressus est experimentum,
 usus apparatu ita adornato, ac si pendulum 34000
 hexapedum (Gall. toises) adhibuisset. Ex fornice
 etenim Nosocomii Regii Paris. pendere curavit ca-
 tenam centrum octoginta septem pedum, cuius in-
 simæ parti tubum Astronomicum 15 pedum ita af-
 fixit, ut in situ horizontali esset, dum pars ipsius
 objectiva incubaret stylo cuidam chalybeo, ad di-
 stantiam trium pedum de catena debite locato. Tu-
 bus sic dispositus collimabat versus Austrum ad æ-
 disicii, hinc 556 hexapedibus distantis, parietem, in
 quo ad ductas lineas, vel minimam penduli varia-
 tionem ope tubi, qui tam verticalium quam hori-
 zontalium vibrationum erat capax, distingvere li-
 cuit. Adhibitis omnibus cautelis ad obtainendas ex-
 actissimas observationes necessariis, deprehendit Vic
 Celeberrimus tubum pro variatione caloris alium at-
 que alium in directione verticali obtainere situm, at-
 que crescente calore ad majorem majoremque alti-
 tudinem in pariete dirigi; adeo ut variationi unius
 gradus caloris responderet duorum aut trium pedum
 variatio directionis. Immo facta vel minima caloris
 mutatione, quæ in Thermometro haud distingui po-
 tuit, tubi directio in plano verticali quoque muta-
 batur; accidit enim, ut, Sole per nubes dehiscentes
 subito exsplendescente, tubus illico duos pollices al-

tius in pariete dirigeretur; licet Thermometrum sensibilem non subiverit variationem. Quod ad variationes directionis tubi, in plano horizontali factas, attinet, istae admodum exiguae erant, adeo ut novem pollices in pariete nunquam excederent. Quo juxta id notatu dignum occurrit, quod sub toto tempore, quo observationes peragebantur, non nisi quinque, ad factas observationes correspondentes quovis vesperi, inciderint haec variationes, tubo bis ad orientem, & ter ad occidentem paululum declinante; cum tamen tubus quovis vesperi plurimum pedum declinationem orientalem subire debuisse, si variationes *Granteanae* ex reali directionis penduli variatione exstisset.

§. IV.

Atque sic dubia de variatione directionis pendulorum, quae ultra centum annos in quaestione versabantur, per observationes Bouguerianas directa habentur; ita ut tuto colligere liceat, nullam realem variationem directionis gravium dari, quae in superficie Telluris foret notabilis. In eo quidem, necesse est, omnes Mathematici convenient, quod totius globi terrauei centrum gravitatis eidem situs variationi sit obnoxium, idque ob fluxum in primis & refluxum maris; sed quae tantilla merito censeatur, ut vix aliquot pollices exceedat: & si vel daremus, maximas hujus centri oscillationes, sic oriundas, ad distantiam centum pedum semet extendere;

inde

inde tamen vix unius scrupuli secundi variatio in directione gravium existeret, idque in illis superficie telluris punctis, ubi ista foret maxima; quemadmodum cuique calculum subducenti patescit. Cum autem declinatio penduli Perillustris D:ni DE GRANTE, orientem atque occidentem versus, erat 32 scrupulorum secundorum; patet istam omnino aliunde & quidem a caussis accidentalibus deducendam esse: quemadmodum experimenta & Bougueriana & Granteana, Parisiis capta, poscunt. Has vero caussas Celeberr. BOUGUER loc. cit. optime exposuit, atque ex aëris temperie seu caloris & frigoris vicissitudine derivavit: quo factum est, ut aut punctum suspensionis, aut punctum in solo, cui imminebat pendulum, aut etiam longitudi penduli aliquam subirent variationem. Constat enim corpora a calore dilatari atque a frigore contrahi. Quod itaque ad punctum suspensionis attinet, illius situs mutatio pro re nata omnino diversa fuit: supponatur enim tectum ædis, sive planum sive forniciatum fuerit, in quo hoc punctum erat, fuisse dilatationis atque coarctationis capax nec non Solis radiis æqualiter expositum. Per vim igitur caloris expandendi factum est, ut tectum secundum omnes directiones a punto quodam fixo, quod centrum dicatur, expanderetur; quapropter non potuerunt non singulis istius punctis, pro ratione caloris, ceteris paribus, a centro hocce in directionibus radiorum, inde duotorum, longius recedere, atque calore remittente, ad idem centrum iterum proprius accedere. Hinc

sequitur pendulum ex centro suspensum, omnino
 immotum mansisse; cum pendula ex alio quocunque
 puncto pendentia, itus & reditus in plagis, pro ra-
 tione situs puncti suspensionis a centro diversis, fe-
 cerint rectilineos, motui puncti suspensionis obse-
 quendo. Cumque pendula sic aliis atque aliis soli
 punctis imminerentur; observatores hinc induceban-
 tur ad tribuendam directioni pendulorum aliquam
 variationem, quæ tamen conclusio impugnabatur ab
 illis, qui observationes suas ad pendula, ex punctis fi-
 xis pendentia, peregerunt. Quo juxta per se cla-
 rum est, similem apparentiam variationis hujus ex-
 stitisse, si ipsum solum, cui pendula imminebant, a
 calore dilatatum & a frigore coarctatum fuerit; de
 qua itaque re seorsim agere, supervacaneum est.
 At circa punctum suspensionis id maxime observan-
 dum restat, quod ejus variatio quoad præcipuam
 partem pependerit ex murorum seu parietum ob-
 servatorii cujusque dilatatione & coarctatione. Ete-
 nim parietes, ab oriente ad occidentem, Solis calo-
 ri successive expositi, successive quoque dilataban-
 tur, atque cessante caloris actione, iterum coar-
 ctabantur: unde evenire potuit, ut punctum suspen-
 sionis per omnes plagas agitaretur, eurvatumque de-
 scriberet, cuius natura a plurimis circumstantiis
 pendebat. Præterea vicissitudines aëris siccii humi-
 dique una cum pluviis ac nivibus liquefientibus,
 quæ fundamenta ædium & strata lapidea penetrave-
 rint, id quod Celeberrimus BOUGUER de cavea
 Granteana suspicatus est, ad variationem puncti su-
 spen-

sensionis, pro re nata, conferre potuerunt. Pro ratione igitur diversarum circumstantiarum, in hoc vel illo casu particulari, motus puncti suspensionis aut diversus aut nullus esse poterat; quapropter pendula quoque inde suspensa aut eosdem aut nullos peregerunt motus. Ceterum quoque variatione longitudinis penduli fallere potuit observatores, extremitatem ipsius oblique contuentes, ut istam ad diversa soli puncta referrent, quemadmodum Celeb. LE CAT pulchre observaverat. Hisce rite perpensis, liquet variationem directionis pendulorum non nisi apparentem fuisse, quae non potuit non, pro re nata, aut diversimode aut nullatenus observari. Atque hinc factum est, ut observatores hujus variationis existentiam partim contenderent, partim impugnarent,

§. V.

Quæ jam attulimus, eo pertinere censenda sunt, ut variationem directionis gravium minime dari e-
vincant, saltem quæ in superficie Telluris foret sen-
sibilis; quo ipso observationibus Astronomicis ex
hac parte sua vindicata est certitudo. Sed quia si-
mul adparet, muros atque parietes ædium obno-
xios esse variationibus, quas Thermometra & Hy-
grometra indicant; id quod observatio Bougueriana,
qua pavimentum quoddam lateritium, solis calori
per tres horas expositum, tertia linea parte, pro
ratione 12 pedum longitudinis, dilatatum fuisse
com-

compererat, ulterius confirmat (*Acta Paris.* 1745); neque instrumenta muris affixa variationibus hinc oriundis exenta esse videntur. Quapropter ab Astronomis explorandum restat, an & in quantum in observationes, quæ cum Quadrantibus Sextantibusque Muralibus Telescopiisque in Meridiano mobilibus, nec non ad Lineas Meridianas peragi solent, aliqua incertitudo hinc emanet; in primis cum non-nullæ Bouguerianæ observationes, in *Peruvia* captæ, hujusmodi variationi obnoxiae deprehendebantur; de qua re Auctoris Celeberrimi verba, ex *Act. Paris.* 1754 coronidis loco adduxisse haud incongruum erit: „j' ai déjà rapporté dans nos mémoires de „1744 & de 1745, qu' on observa à Quito pen- „dant notre séjour au Pérou, des étoiles voisines „du Zénit, en se servant de grandes lunettes de dix „ou douze pieds de longueur, scellées contre des „murs. Ces étoiles parurent chaque jour sujettes „à des mouvemens fort irréguliers & très différens „de ceux dont nous devons la connoissance à Mr. „Bradley: on les vit quelquefois dans l' intervalle „de sept à huit jours changer de situation de 30 „ou 35 secondes, & elles parurent ensuite, dans „un nombre de jours plus ou moins grand, repren- „dre sensiblement leur première place. Je crus de- „voir attribuer ces mouvemens au jeu de Ther- „momètre ou d' hygromètre, auquel étoient sujets „les édifices. Le moyen le plus simple de s'en „assurer, étoit de sceller des lunettes contre des „murs diversement orientés, afin de voir si elles „don-

donnoient les mêmes changemens apparens, & ,
de joindre outre cela à côté même des lunettes , ,
des fils - à plomb auxquels on pût les comparer . ,
Mes conjectures furent confirmées ; les fils - à plomb , ,
montrèrent que les lunettes n' étoient pas assez , ,
fixes, & qu' il falloit attribuer aux changemens al- , ,
ternatifs de leur direction, toutes ces variations , ,
étonnantes & peu réglées qu' on croyoit décou- , ,
vrir dans le ciel. Les murs s' inclinoient tantôt , ,
vers un côté & tantôt vers l' autre, & il dût ré- , ,
sulter de leur action & réaction réciproques dans , ,
chaque observatoire un mouvement presque tou- , ,
jours circulaire ou elliptique . , ,

